

**Uunga siunnersuut: Sumiiffinni nunami aalajangersimasuni takornariartitsiner-  
mut akuersissuteqartarnissaq pillugu Inatsisartut inatsisaat nr. 19, 3. december 2012-  
imeersup allanngortinnissaa pillugu Inatsisartut inatsisaat nr. xx yy 2015**

(Inatsisip atuuffigisaa sukisaarsaatigalugu aalisarnermut akuersissutitut ilaqartilerlugu anner-  
tusissaaq)

Sumiiffinni nunami aalajangersimasuni takornariartitsiner-  
mut akuersissuteqartarnissaq pil-  
lugu Inatsisartut inatsisaat nr. 19, 3. december 2012-imeersumi makkuninnga allanngu-  
teqartoqassaaq:

**§ 1**

1. Qulequtaa imatut allanneqassaaq:

” **Sumiiffinni nunami aalajangersimasuni takornariartitsiner-  
mut akuersissuteqartarnis-  
saq pillugu Inatsisartut inatsisaat nr. 19, 3. december 2012-imeersoq**”.

2. § 1, imm. 2 imatut allanneqassaaq:

” *Imm. 2.* Eqalunnik (*Salvelinus alpinus*) qissattaammik sukisaarsaatigalugu aalisarnissaq  
siunertaralugu Kalaallit Nunaanni kuummut aalajangersimasumut imaluunniit imartalittut  
sumiiffimmut erseqqinnerusumik killilersukkamut akuersissutitut tunniussisarnermik  
Inatsisartut inatsisaat inatsisilersuivoq.”

3. § 8 imatut allanneqassaaq:

” **§ 8.** §7 malillugu takornariartitsiner-  
mi ingerlatassamut akuersissut periutsit imm. 2-4-mi  
taaneqartut arlaannut tunniunneqarsinnaavoq.

*Imm. 2.* Akuersissummik tunineqarnissaq pillugu tamanut nalinginnaasumik qin-  
nuteqartoqartitsineqareerpat akuersissut tunniunneqarsinnaavoq (neqerooruteqartitsineq).  
Qinuteqartoqaaqulluni nalunaaruteqarneq, qinnuteqarnissamut piffissaliussaq ikinnerpaamik  
ullunik 45-inik sioqqutsisumik Naalakkersuisut nittartagaatigut, kiisalu tusagassiorfitsigut  
Naalakkersuisut tamanut saqqummiutissavaat. Neqeroorummi tunngaviussaaq, pilersaarusi-  
ornermi oqartussaasup susassaartup, sumiiffik pineqartoq takornariartitsiner-  
mik ingerlataqar-  
nissamut atorineqarnissaa pilersaarusi-  
orfigisimassagaa, kiisalu ingerlatat suut akuersissummut  
ilaatinneqassanersut aalajangersarsimassallugit.

*Imm. 3.* Naalakkersuisut immikkoortortamut pilersaarutikkut sumiiffiit takornariartitsiner-  
mik suliaqarfinnut aalajangersaavigisinnaavaat, kiisalu akuersissutit suliaqarfigisanik sorler-  
nik imaqarnissaa aalajangersaavigisinnaallugu.

*Imm. 4.* Sumiiffimmut akuersissuteqarnissamik nalunaaruteqarneq siumut qinnuteqaqqusi-soqarsimatinnagu tunniunneqarsimassappat, sumiiffillu pineqartoq pilersarusiornermut oqartussaasoq susassaartoq imaluunniit Naalakkersuisut takornariartitsineramik immikkoortotamut pilersaarummi sumiiffik pineqartoq takornariartitsinermi ingerlatanut pilersarusiorsimanagu, Naalakkersuisullu isumaqarpata qinnuteqaat suliarineqartariaqartoq, qinnuteqaat pilersarusiornermi oqartussamut Naalakkersuisut ingerlateqqissavaat, apeqquteqaatigissalugulu pilersarusiornermut oqartussaasup sumiiffik qinnuteqarfigineqartoq takornariartitsinermi ingerlatanut ilanngunneqassanersoq kissaatigineraa. Pilersarusiornermut oqartussap sumiiffik qinnuteqarfigineqartoq tamakkiisumik ilaannakortumilluunniit takornariartitsinermi ingerlataqarnermut pilersaarutiginiarlugu ilanngunniarlugulu kissaatigisimappagu, akuersissummik tunniussinissaq siunertarlugu Naalakkersuisut immikkut ittumik innuttaasunut ammasumik qinnuteqaqqusinnaapput.

*Imm. 5.* Qinnuteqaatit periutsit imm. 2-3-mi taaneqarsimasut malillugit qinnuteqaatit tunniunneqarsimasut tunngavigalugit Naalakkersuisut akuersissummik tunniussinngitsoorsinnaapput.

## § 2

Inatsisartut inatsisaat atuutsinneqalissaaq ulloq 1. juli 2015.

*Imm. 2.* Tamanna ilutigalugu Sukisaarsaatigalugu aalisartunik aalisartitsinermut akuersissuteqartarneq pillugu Inatsisartut inatsisaat nr. 20, 22. november 2011-meersoq atorunnaassaaq.

*Namminersorlutik Oqartussat, ulloq XX. yy. 2015*

Vittus Qujaukitsoq

/

Jørn Skov Nielsen